



Dua anggota bomba cuba memadam api merebak dan memusnahkan ladang kelapa sawit di Pekan baru-baru ini.

105 lokasi titik panas terlibat kebakaran

PEKAN - Sebanyak 105 lokasi titik panas di Pekan, Kuantan dan Rompin terlibat dalam kejadian kebakaran sehingga Julai lalu, kata Pengarah Jabatan Alam Sekitar (JAS) Pahang Rosli Zul.

Beliau berkata daripada jumlah itu, 67 adalah kebakaran di kawasan tanah gambut yang memerlukan usaha memadam dan mengatasinya dilakukan mengikut prosedur operasi standard (SOP).

SOP berkaitan kebakaran yang boleh mengakibatkan jerebu telah diwujudkan pada tahun 2009, dan perlu dipatuhi semua agensi terlibat seperti Jabatan Mineral dan Geosains, Jabatan Pengairan dan Saliran, pihak bomba dan Jabatan Perhutanan, katanya.

"Kita mahu pastikan SOP ini terus dipatuhi memandangkan Pahang mempunyai kawasan tanah

gambut yang luas," katanya ketika berucap merasmikan Bengkel SOP Melaksanakan Program Mencegah Kebakaran Tanah Gambut Untuk Mengatasi Jerebu di sini, semalam. Teks ucapan beliau dibacakan Timbalannya, Mahamud Ismail.

Rosli menambah antara kaedah pengurusan air mampan di kawasan tanah gambut adalah membina infrastruktur seperti membina hadangan air, telaga tiub dan kolam takungan bagi melembapkan kawasan terbabit.

Katanya, setakat ini di Pahang, terdapat 70 hadangan air, 13 telaga tiub dan lima kolam takungan dengan 13 lagi hadangan air dan satu telaga tiub dalam proses pembinaan membabitkan peruntukan RM460,000 yang dijangka siap tahun ini.

Selain itu, pemantauan di

kawasan tanah gambut dan pembinaan menara tinjau juga banyak membantu dalam mengenalpasti kawasan yang berisiko berlaku kebakaran.

"JAS Pahang juga mengadakan perbincangan dengan pihak ladang untuk menyediakan kemudahan infrastruktur dalam kawasan ladang mereka.

"Kita juga akan mengadakan taklimat berkaitan pembakaran terbuka bersama pekebun atau pengusaha ladang bagi memastikan semua maklumat ini sampai kepada pihak yang disasarkan," katanya.

Rosli juga berharap orang ramai tidak melakukan pembakaran terbuka, khususnya di kawasan kering dan tanah gambut bagi mengurangkan kejadian kebakaran hutan di negeri ini. - Bernama



09 Aug 2018

Sinar Harian, Malaysia

Author: No author available • Section: Selangor & KL • Page: 24
Printed size: 267.00cm² • Market: KL • Country: Malaysia • Photo: Full Color
ASR: MYR 4,554.00 • Item ID: MY0033409000

 isentia.mediaportal

Provided for client's internal research purposes only. May not be further copied, distributed, sold or published in any form without the prior consent of the copyright owner.

Page 2 of 2

SUMMARIES

Dua anggota bomba cuba memadam api merebak dan memusnahkan ladang kelapa sawit di Pekan

PEKAN - Sebanyak 105 lokasi titik panas di Pekan, Kuantan dan Rompin terlibat dalam kejadian kebakaran sehingga Julai lalu, kata Pengarah Jabatan Alam Sekitar (JAS) Pahang Rosli Zul. Beliau berkata daripada jumlah itu, 67 adalah kebakaran di kawasan tanah gambut yang memerlukan usaha memadam dan mengatasinya dilakukan mengikut prosedur operasi standard (SOP).